



Broj: 06-05-12636-3/18
Sarajevo, 27.03.2018.g.

Na osnovu Programa mjera za poticaj zapošljavanja boračke populacije u Kantonu Sarajevo za 2018/2019. godinu, prihvaćenog Zaključkom Vlade Kantona Sarajevo broj: 02-05-11332-13/18 od 22.03.2018. godine Ministarstvo za boračka pitanja Kantona Sarajevo, o b j a v l j u j e

JAVNI POZIV

za stimulisanja poslodavaca sa područja Kantona Sarajevo da zapošljavaju pripadnike boračke populacije i članove njihovih porodica, prijavljenih na evidenciju nezaposlenih u Kantonu Sarajevo, putem sufinansiranja zapošljavanja

I - PREDMET JAVNOG POZIVA

U cilju realizacije Programa mjera za poticaj zapošljavanja boračke populacije u Kantonu Sarajevo za 2018/2019. godinu broj:06-05-12636/18 od 06.03.2018.godine (u daljnjem tekstu: Program), Ministarstvo za boračka pitanja Kantona Sarajevo (u daljem tekstu: Ministarstvo), poziva poslodavce sa područja Kantona Sarajevo da se prijave za učešće u mjerama iz ovog Programa.

Sredstva planirana u Budžetu Ministarstva za realizaciju ove mjere iz Programa iznose 100.000,00 KM.

II - PRAVO UČEŠĆA I UVJETI

Pravo učešća u ovoj mjeri iz Programa imaju poslodavci registrovani na području Kantona Sarajevo, koji redovno izmiruju obaveze uplate javnih prihoda i koji će zaposliti nezaposlenu osobu/osobe iz boračke populacije i članove njihovih porodica, prijavljenih na evidenciju nezaposlenih u Kantonu Sarajevo.

U okviru realizacije ove mjere iz Programa ne mogu učestvovati:

1. poslodavci koji redovno ne izmiruju obaveze uplate javnih prihoda, osim u slučaju kad poslodavac ima potpisan ugovor sa Poreznom upravom Federacije Bosne i Hercegovine i Upravom za indirektno oporezivanje o uplati duga na rate u kom slučaju je poslodavac dužan dostaviti potvrdu Porezne uprave Federacije Bosne i Hercegovine i/ili Uprave za indirektno oporezivanje ili uvjerenje da poslodavac vrši uplate po potpisanom ugovoru,
2. poslodavci koji nemaju radnika prijavljenih na penzijsko – invalidsko osiguranje,
3. poslodavci koji su koristili kreditna i/ili grant sredstva Federalnog zavoda za zapošljavanje, Službe za zapošljavanje Kantona Sarajevo i ministarstava u Vladi Kantona Sarajevo, a nisu ispoštovali obaveze u skladu sa zaključenim ugovorima.

III-NAČIN ODOBRAVANJA SREDSTAVA I KRITERIJI

Ministarstvo će poslodavcima koji budu obuhvaćeni ovom mjerom i zaposle osobu iz boračke populacije ili člana njihove porodice na period od najmanje 12 mjeseci, jednokratno, doznačiti sredstva

u iznosu od 6000,00 KM po novouposlenoj osobi, za dio isplate plaće i uplatu zakonom propisanih poreza i doprinosa.

Kriteriji za vrednovanje aplikacija su:

1. djelatnost poslodavca: proizvodna i turistička - 4 boda, ostale djelatnosti – 2 boda,
2. poslodavci sa trenutnim brojem zaposlenih: do 10 osoba – 1 bod, od 11 do 30 osoba – 2 boda, od 31 do 50 osoba – 3 boda i preko 50 osoba – 4 boda,
3. poslodavci kojima je vlasnik ili osnivač neko od boračkih udruženja – 3 boda,
4. poslodavci koji trenutno nisu korisnici programa sufinansiranja zapošljavanja koje finansira Vlada Federacije Bosne i Hercegovine, Federalni zavod za zapošljavanje i Služba za zapošljavanje Kantona Sarajevo – 3 boda.

U slučaju da nakon vrednovanja aplikacija, dva ili više poslodavaca imaju jednak broj bodova, prednost ima poslodavac kojem je vlasnik ili osnivač neko od boračkih udruženja, odnosno ako dva ili više poslodavca i dalje imaju isti broj bodova, prednost se daje poslodavcu koji je prije podnio aplikaciju za učešće u ovoj mjeri.

Poslodavci koji budu korisnici ove mjere zapošljavanja dužni su u radnom odnosu zadržati postojeći broj radnika koji su imali u momentu podnošenja zahtjeva, uvećan za broj sufinansiranih osoba, osim u opravdanim slučajevima prekida radnog odnosa (odlazaka u penziju postojećih radnika i prekida radnog odnosa iz opravdanih razloga).

IV- DOKUMENTACIJA

Poslodavci koji žele učestvovati u ovoj mjeri zapošljavanja dužni su:

1. podnijeti aplikaciju u roku predviđenom u javnom pozivu,
2. uz aplikaciju priložiti: rješenje o registraciji u Kantonu Sarajevo, uvjerenje o poreskoj registraciji sa identifikacionim brojem, uvjerenje o izmirenim obavezama po osnovu poreza i doprinosa ne starije od 30 dana od dana objave javnog poziva sa listingom o trenutnom broju zaposlenih (izdat od strane Porezne uprave Federacije Bosne i Hercegovine), uvjerenje o izmirenim obavezama poreza na dodatnu vrijednost ukoliko je podnosilac aplikacije PDV obveznik (izdat od strane Uprave za indirektno oporezivanje Bosne i Hercegovine), a ukoliko nije PDV obveznik može dostaviti izjavu ovjerenu od strane nadležnog općinskog organa uprave ili notara i broj računa u banci, sve u originalu ili ovjerenoj fotokopiji,
3. dostaviti izjavu o namjenskom korištenju kreditnih i/ili grant sredstva Federalnog zavoda za zapošljavanje, Službe za zapošljavanje Kantona Sarajevo i ministarstava u Vladi Kantona Sarajevo u originalu, ovjerenu kod općinskog organa,
4. dostaviti izjavu da trenutno nisu, odnosno jesu korisnici programa sufinansiranja zapošljavanja koje finansira Vlada Federacije Bosne i Hercegovine, Federalni zavod za zapošljavanje i Služba za zapošljavanje Kantona Sarajevo u originalu, ovjerenu kod općinskog organa uprave ili notara.

V- PROCES ODABIRA

Vrednovanje aplikacija se vrši na osnovu priložene dokumentacije, u skladu sa naprijed navedenim kriterijima. Vrednovanje aplikacija vrši stručni tim pri Ministarstvu, koji sačinjava i prijedlog liste poslodavaca za učešće u ovoj mjeri zapošljavanja. Konačnu listu poslodavaca utvrđuje Ministar nakon čega se pristupa zaključenju ugovora sa aplikantima čije su aplikacije za učešće u ovoj mjeri zapošljavanja prihvaćene.

VI-NADZOR, KONTROLA I IZVJEŠTAVANJE

Ugovorom se uređuju međusobna prava i obaveze Ministarstva i poslodavca, obavezu poslodavca za zaključivanje ugovora o radu sa nezaposlenom osobom sa punim radnim vremenom na period od najmanje 12 mjeseci, obavezu isplate naknada i pripadajućih poreza i doprinosa za zaposlenu osobu, zadržavanje u radnom odnosu isti broj zaposlenika koji je zatečen u periodu od podnošenja zahtjeva, uvećan za broj sufinansiranih osoba, obavezu pravdanja pomenutih troškova i dr. Ministarstvo zadržava pravo, da eventualno u saradnji sa boračkim udruženjima u sastavu „Kordinacionog odbora boračkih organizacija Kantona Sarajevo“, da prijedlog poslodavcu za izbor nezaposlene osobe koja pripada boračkoj populaciji kao i članova njihovih porodica.

Svaki korisnik sredstava odobrenih po ovom Javnom pozivu, obavezan je nakon realizacije odobrenih projekata, a po potrebi i na zahtjev Ministarstva, dostaviti detaljan izvještaj o utrošku odobrenih sredstava sa finansijskog aspekta zajedno sa kompletnom dokumentacijom, što će se detaljnije propisati odredbama pojedinačno sklopljenim ugovorima sa korisnikom sredstava.

Za izvršenje ugovora aplikanti su obavezni obezbijediti bezuslovnu bankovnu garanciju na odobreni iznos sredstava. Kada su u pitanju poslodavci koji obavljaju samostalnu djelatnost obavezni su obezbijediti bjanko mjenicu sa mjeničnom izjavom. Aplikanti koji budu korisnici ove mjere zapošljavanja dužni su u radnom odnosu zadržati postojeći broj radnika koji su imali u momentu podnošenja zahtjeva, uvećan za broj sufinansiranih osoba, osim u opravdanim slučajevima prekida radnog odnosa (odlazaka u penziju postojećih radnika i prekida radnog odnosa iz opravdanih razloga).

VII- OSTALE INFORMACIJE

Zahtjevi lica (fizička ili pravna) koja su već ostvarila pravo na novčanu pomoć po istom ili sličnom osnovu, a ne radi se o nastavku realizacije projekata, neće se uzimati u razmatranje.

Zahtjevi se dostavljaju u roku od 21 dan od dana objavljivanja ovog poziva, a mogu se po potrebi zaprimati i sve do utroška za ove namjene planiranih sredstava.

Nepotpuni i neblagovremeni zahtjevi neće se uzeti u razmatranje.

NAPOMENA:

- Obavezno predavati fotokopije dokumenata koje moraju biti ovjerene ili original dokumenta.
- Predata dokumentacija svih aplikacija neće se vraćati podnosiocima zahtjeva.

VIII-MJESTO PODNOŠENJA ZAHTJEVA

Aplikacije sa potrebnom dokumentacijom podnose se na adresu: Ministarstvo za boračka pitanja Kantona Sarajevo, ulica Reisa Dž. Čauševića br.1, 71000 Sarajevo, putem pošte ili ličnim podnošenjem u šalter sali Kantona Sarajevo.

Informacije vezano za predmet Javnog poziva, mogu se dobiti na info-punktu Ministarstva za boračka pitanja Kantona Sarajevo (šalter sala Kantona Sarajevo) telefon: dir. 033/562-273 ili Centrala 033/562-000 lokal 2273.

Tekst Javnog poziva, rang lista i propisani aplikacioni formulari biće dostupni na Web stranici Ministarstva www.mbp.ks.gov.ba

